

weisung ist. Dann wie die Alten gesagt:
Experientia est fallax. Mann sagt zwar
 oft/ dieses oder jenes Kraut habe einem von
 einer Kranckheit geholffen / da doch mor-
 bus ipse & causa morbi noch zweiffels-
 hafftig gewesen / und von einem anderst als
 vom andern judicirt worden. Ich wil ge-
 schweigen/ daß noch nicht gewiß/ daß solches
 per se, ex singulari proprietate herbæ,
 oder per accidens ist geschriben worden.
 Als wann einer Most trinckt / und wird dar-
 von *Laxus ventre*, wolt darnach für ge-
 wiß halten / es wäre eigentlich ein *virtus*
laxativa in dem Most; der hätte gar übel
 argumentirt / und wird durch diese Mey-
 nung betrogen. Was nun durch dieses
 Exempel angezeigt wird / das trägt sich in
 vilen zu. Dann die *diversitas tempera-*
menti corporis gibt oft ein *diversum*
accidentalem motum medicamenti,
 darauff nicht zu bauen ist.

Daß aber etliche ihnen einbilden/ sie wol-
 ten ex *diversis & contrariis gradibus*
qualitatum die *Virtutem crescentis*
 erkennen / wär wol etwas / aber wer sagt ih-
 nen den gradum? dann in diesem ist ihr In-